

ԼՂԻՄ. ՀԱՐԿԱԴՐԱԿԱՆ ՔԱՅԼ

Ինչպես արդեն հաղորդվել է, օգոստոսի 18-ին Ստեփանակերտում տեղի է ունեցել Լեռնային Ղարաբաղի բնակչության լիազոր ներկայացուցիչների համագումար: Պատգամավորների ելույթներում, որոնք արտացոլվեցին ընդունված դեկլարացիայում, նշվում էր, որ ԼՂԻՄ-ի հայ բնակչության կամքը, որը արդարացի հարց է բարձրացրել ինքնավար մարզը Հայկական Խորհրդային Սոցիալիստական Հանրապետության հետ վերամիավորելու մասին, հիմնվում է իր ճակատագիրը, իր քաղաքական և իրավական կարգավիճակը տնօրինելու, իր տրնտեսական, սոցիալական ու մշակութային զարգացումն ապահովելու յուրաքանչյուր ժողովրդի սրբազան իրավունքի վրա: Մարզում կառավարման հատուկ ձև մտցնելը, Լեռնային Ղարաբաղը կուսակցության մարզկոմից և ժողովրդական դեպուտատների մարզային

խորհրդից զրկելը փաստորեն ինքնավար կազմավորումից խլեցին նրա առանց այդ էլ չնչին իրավունքները: Համագումարի դեկլարացիայում ընդգծվում է, որ երկրի հիմնական օրենքի այն հոդվածը, որը ԽՍՀՄ Գերագույն խորհրդի նախագահությանը իրավունք է տալիս ի շահ քաղաքացիների անվտանգության կառավարման հատուկ ձև մտցնել, չի վերապահում տեղական խորհուրդների գործունեությունը կասեցնելու հրահրավորություն: Իր հերթին ԽՄԿԿ կանոնադրությունը իրավունք չի տալիս վերացնելու կուսակցության մարզային կոմիտեներ: Պատգամավորները համակարծիք էին, որ հատուկ կառավարման կոմիտեներ ներկայումս գոյություն ունեցող ձևով, կառավարման մեխանիզմով և իրավասություններով ի վիճակի չէ մարզը դուրս բերելու ճգնաժամային վիճակից: Դրա վկայությունն են

արդեն չորրորդ ամիսը շարունակվող գործադուլները, հենց ժողովրդի վիճակը, որը զրտնրվում է ֆիզիկական ու նյարդային հյուծման եզրին: Առ այսօր վերջ չի տրված դարաբաշյամ պրոբլեմի լուծման հակառակորդների սադրանքներին, որոնք խորացնում են ռեգիոնի առանց այդ էլ լարված ազգամիջյան մթնոլորտը: Համագումարը ընտրեց 78 անդամներից բաղկացած ազգային խորհուրդ, որի առաջնահերթ խնդիրները համարվեցին ԼՂԻՄ-ի իրադրության կայունացումը, ազգամիջյան կոնֆլիկտներ թույլ չտալը, աշխատանքային ոլորտի վերահաստատումը, ռեգիոնում ապրող բոլոր ազգերի և ազգությունների ներկայացուցիչների բարիդրացիական հարաբերությունների վերահաստատումը: Պատգամավորները ափսոսանք հայտնեցին, որ ադրբեջանական կողմը հրաժարվել

է համագումարի աշխատանքին մասնակցելուց, դրանով իսկ չօգտագործելով փոխադարձաբար մերձեցնելու, հասունացած հարցերը պառլամենտական ուղիով համատեղ լուծելու ռեպլ հնարավորությունները: Տեղի ունեցավ ազգային խորհրդի առաջին նիստը: Դրա նախագահ ընտրվեց ԽՍՀՄ ժողովրդական դեպուտատ, կուսակցության Մարտունու շրջկոմի առաջին քարտուղար Վաչագան Սանթուրի Գրիգորյանը, տեղակալներ՝ ԼՂԻՄ-ի հատուկ կառավարման կոմիտեի անդամ, ժողովրդական վերահսկողության մարզային կոմիտեի նախագահ Վլադիմիր Հայրապետի Թովմասյանը և կուսակցության Ստեփանակերտի քաղկոմի առաջին քարտուղար Վալերի Արզարի Աթաջանյանը: Ընթացիկ աշխատանքի ղեկավարման համար ազգային խորհուրդը իր կազմից ընտրեց

17 անդամից բաղկացած նախագահություն: Ազգային խորհուրդը և նրա նախագահությունը, ընդունելով ԽՄԿԿ ծրրագիրն ու կանոնադրությունը, գործելով խորհրդային օրենքների շրջանակներում, ի շահ ժողովրդի իրենց գիծը վարում են ժողովրդական դեպուտատների տեղական խորհուրդների, կուսկոմիտեների, կոմերիտմիության, աշխատավորական կոլեկտիվների խորհուրդների, հասարակական կազմակերպությունների միջոցով: Համագումարը հատուկ շնորհանի պարետին, ԽՍՀՄ ՆԳՄ ներքին գործերի և խորհրդային բանակի ստորաբաժանումների բոլոր զինծառայողներին կոչ արեց բնակչության հետ ակտիվորեն համագործակցել ռեգիոնում խաղաղության շուտափույթ ապահովմանն ապատակով: Համագումարը ման ընդունեց ադրբեջանական ժողովրդին ողղված դիմում, որով մտահոգություն արտահայտեց երկու հարևան ժողովուրդների

հարաճում օտարացման կապակցությամբ: Համագումարը ադրբեջանական ժողովրդին կոչ արեց փոխադարձաբար ճանաչել միմյանց անկապտելի իրավունքները, դիմել մեր զավակների խաղաղ ապագան ապահովող կոնկրետ քայլերի որոնք վաղը պետք է ապրեն և աշխատեն այս հողի վրա: Համագումարը հայտարարեց իր վճռականությունը հետևողականորեն հասնելու Խորհրդային Հայաստանի հետ ԼՂԻՄ-ի վերամիավորման և ԽՍՀՄ Գերագույն խորհրդին խնդրեց այլևս չձգձգել պրոբլեմի արմատական լուծումը: Համագումարը մարզի բնակչությանը կոչ արեց դադարեցնել գործադուլները և ազգային խորհրդին հանձնարարեց անհրաժեշտ բոլոր միջոցները ձեռնարկել մարզի ամբողջ տարածքում աշխատանքային բնականոն ոլորտը վերականգնելու նպատակով: Ա. ԳՐԻԳՈՐՅԱՆ (Արմենպրեսի սեփ. թղթ.) Ստեփանակերտ